

روح شهِيد

الكل ليه قاعد يتكلم كثير
واشعار لروح الشهداء وتقدير
وبكى ورغى وصوات وولوله
عيني وقلبي عليك يا وله
طيب ما كل يوم بيموت شهيد
يعنى ما بقاش شىء جديد
بيروح يدافع عن الوطن
والكفن ويا السلاح ع الايد
والغدر فى كل مكان موجود
وشهيد رايح لقضاه وعارف
انه جايز يكون مفقود
بيجرى ومن جواه راضى
عمره ما فكر دينه إيه
مسلم مسيحي ده شىء عادى

المهم يحمى شعبه والاراضى
جواه ايمان بالوطن والخير أمانيه
بيضحى ومش مستنى اى تحيه
الحب يا ناس مش بالبكا
ولا بس بالدعاء والتمنى والنيه
الحب اننا كشعب ناخذ بتار شهيد
راح علشاننا وعلشان الوطن ضحيه
بصدق وعزيمه صادقه وقويه